

Na osnovu člana 96. Zakona o visokom obrazovanju – prečišćeni tekst („Službene novine Kantona Sarajevo“, broj: 42/13), a u vezi sa odlukama Senata Internacionalnog univerziteta u Sarajevu, broj: IUS-SENAT-11-1896/16 od 29.06.2016. godine i IUS-SENAT-11-2458/16 od 15.08.2016. godine, Internacionalni univerzitet u Sarajevu (IUS), raspisuje:

K O N K U R S
za izbor u naučnonastavna/umjetničkonastavna zvanja

Izbor kandidata (akademskog osoblja) vršit će se u naučnonastavna/umjetničkonastavna zvanja za sljedeće naučne/umjetničke oblasti:

FAKULTET PRIRODNIH I TEHNIČKIH NAUKA

Redni broj	Naučna oblast	Nastavnik (docent, vanredni profesor, redovni profesor)	Saradnik (viši asistent) ¹⁾	Saradnik (asistent) ²⁾
1.	Arhitektura	-	-	1
2.	Elektrotehnika	-	1	1
3.	Biološke nauke	2 ³⁾	1	-

¹⁾ U okviru izbora u zvanje višeg asistenta na Fakultetu prirodnih i tehničkih nauka, prednost imaju kandidati diplomanti studijskih programa na IUS-u.

²⁾ U okviru izbora u zvanje asistenta na Fakultetu prirodnih i tehničkih nauka, prednost imaju kandidati diplomanti studijskih programa na IUS-u.

³⁾ U okviru izbora akademskog osoblja na naučnu oblast “Biološke nauke”, prednost imaju kandidati sa stečenom visokoškolskom kvalifikacijom u oblasti genetike i bioinženjeringa i naučnim rezultatima u oblasti strukturalne bioinformatike.

FAKULTET MENADŽMENTA I JAVNE UPRAVE

Redni broj	Naučna oblast	Saradnik (viši asistent) ⁴⁾
1.	Međunarodni odnosi	1

⁴⁾ U okviru izbora u zvanje višeg asistenta na Fakultetu menadžmenta i javne uprave, prednost će se dati kandidatima sa iskustvom u radu i istraživanju u oblasti integracija u NATO.

FAKULTET UMJETNOSTI I DRUŠTVENIH NAUKA

Redni broj	Naučna/umjetnička oblast	Saradnik (viši asistent) ⁵⁾
1.	Anglistika (naučna oblast)	1
2.	Vizualna umjetnost (umjetnička oblast)	1

⁵⁾ U okviru izbora u zvanje višeg asistenta na Fakultetu umjetnosti i društvenih nauka, prednost imaju kandidati sa akademskim iskustvom u relevantnoj naučnoj/umjetničkoj oblasti

Prednost prilikom izbora prijavljenih kandidata će se dati članovima akademskog osoblja Internacionalnog univerziteta u Sarajevu, odnosno diplomantima studijskih programa na IUS-u.

Uslovi: Kandidati za izbor u naučnonastavna/umjetničkonastavna zvanja, pored općih uslova propisanih Zakonom o radu, minimalnih uslova za izbor u naučnonastavna/umjetničkonastavna zvanja propisanih članom 89. i 90. Zakona o visokom obrazovanju - prečišćeni tekst („Službene novine Kantona Sarajevo“, broj: 42/13) i općim aktima IUS-a, moraju vladati engleskim jezikom u pismu i govoru.

Sa kandidatima koji budu izabrani u akademska zvanja, IUS zaključuje ugovor na period za koji su izabrani u zvanje, uz probni rad u trajanju od šest mjeseci. Za vrijeme probnog rada kandidat se obavezno evaluira od strane matičnog odsjeka odnosno fakulteta. Negativna ocjena kandidata u toku probnog rada smatra se raskidnim uvjetom u pogledu važenja ugovora o radu.

Kandidati strani državljanji zaključuju ugovor o radu na određeno vrijeme, u skladu sa odredbama *Zakona o zapošljavanju stranaca*.

Kandidati uz prijavu na konkurs obavezno prilažu sljedeće:

1. Biografiju / Curriculum Vitae sa bibliografijom;
2. Diplomu ili uvjerenje o diplomiranju o stečenom odgovarajućem stepenu obrazovanja u relevantnoj naučnoj/umjetničkoj oblasti;
3. Rješenje o priznavanju diplome ili potvrda da je pokrenut proces priznavanja diplome (za kandidate koji su diplomu stekli u inostranstvu)⁶⁾;
4. Objavljene naučne radove, uz naznaku publikacija u kojoj su radovi objavljeni i relevantne baze podataka u kojoj su radovi citirani odnosno uz dokaz o recenziji;
5. Objavljene knjige relevantne za izbor u akademsko zvanje;
6. Uvjerenje o položenim ispitima⁷⁾;
7. Dokument kojim se dokazuje izbor u prethodno akademsko zvanje (ukoliko je izvršen izbor);
8. Odluka o imenovanju za mentora kod izrade doktorskih disertacija i magistarskih radova, odnosno drugi odgovarajući dokument kojim se dokazuje uspješno mentorstvo;
9. Ostale dokaze o ispunjavanju uvjeta za izbor u naučnonastavno/umjetničkonastavno zvanje za koje se prijavljuju;
10. Uvjerenje o državljanstvu (ne starije od 6 mjeseci) za kandidate koji su državljanji Bosne i Hercegovine, odnosno ovjerenu kopiju prve stranice pasoša za kandidate koji nisu državljanji Bosne i Hercegovine;

⁶⁾ Izabrani kandidat obavezan je dostaviti rješenje o priznavanju diplome prije zaključenja ugovora o radu odnosno prije predaje zahtjeva za izdavanje radne dozvole.

⁷⁾ Potrebno za kandidate koji apliciraju za zvanje asistenta.

Dokumenti se dostavljaju u originalu ili ovjerenoj kopiji originala.

Iznimno, ukoliko kandidat iz opravdanih i lično naznačenih razloga priloži samo kopije potrebnih dokumenata, dokumentacija će se uvjetno prihvatiti uz obavezu kandidata da originale ili ovjerene kopije originala dokumenta dostavi najkasnije do datuma donošenja odluke o izboru odnosno zaključenja ugovora o radu. U suprotnom, procedura izbora će se rješenjem Senata poništiti.

Kandidati su obavezni u prijavi naznačiti zvanje za koje se prijavljuju, u suprotnom takva prijava će se smatrati neurednom i neće biti razmatrana.

Konkurs ostaje otvoren osam dana od dana objavljivanja.

Prijave sa potrebnim dokumentima sa naznakom „PRIJAVA ZA KONKURS ZA IZBOR U AKADEMSKA ZVANJA, NE OTVARAJ - OTVARA KOMISIJA“, te naznakom fakulteta i naučne/umjetničke oblasti za koju se kandidat prijavljuje dostaviti lično ili preporučenom poštom u zatvorenoj kovrti na adresu: Internacionalni univerzitet u Sarajevu, Hrasnička cesta 15, 71 210 Ilidža, Sarajevo.

Nepotpune i neblagovremene prijave se neće uzimati u razmatranje.

Konkursna dokumentacija se neće vraćati.